

- Si redeam gratis, grates exolvero divis,
 Hisce pro meritis dabitur caper omnibus aris.¹
 responsio ejusdem publica.
- 'Jam dudum ausculto, sed dicere plura retardo,
 Inberbis juvenis, tullensis discolus urbis,
- 125 Peccatum fateor, juvenilis me gravat error,
 Hoc reus existo. nolens parere magistro
 Sensu quo sensi dissolvi vincula colli,
 Huncce locum petii, mortem mihi forte paravi,
 Hanc noxam dona, reliquam si fecero macta.
- 130 Non facias longum, magnorum maxime regum,
 Pacis palma detur, donec cras missa canatur.
 Heinrici placitis cepi moderamina pacis,
 Ut sunt scripta patrum, ploret transgressio fra-
 trum,
- In levibus modicus, per fortia fortior ictus.²
- 135 Tum dominus caveae 'misere cupis' inquit 'abire,
 Ut vult ipse deus, optatum sit tibi tempus;
 Illud adhuc jubeo, temet servare memento,
 corpore stes laeto, concedens oscula caro.³
 vitulus. lupus.
- 'Quid socium simulás, et amica fraude salutas?⁴
- 140 'Pellito namque famem, pransurus scandito sede.⁵
 lupus.
- 'Nec poscas vario multum diversa palato,
 Quaecunque inmundis fervent allata popinis,
 Quae, nisi divitibus, nequeunt contingere mensis;
 Sed potius foliis parcus vescaris acerbis.
- 145 In gravitate cibi crescit discordia morbi.
 Sunt mihi lactucae, radices, semina silvae.
 Sanior est multum cerebro, qui potat acetum:
 Ex vitio cerebri frenesis furiosa movetur,

137 memet A. 147 sanius est multo cerebrum A.